

**Uunga siunnersuut: Unammilleqatigiinneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq.**  
**(Inuussutissarsiutinut immikkoortumi aalajangersimasumi unammilleqatigiinnermik aqqissuussineq, attaveqaatit aqquataannik elektroniskiusunik aningaasalersuisarneq pillugu, kiisalu Unammilleqatigiinnermut ataatsimiititaliami ilaasortassanik toqqaasarneq)**  
*(Inuussutissarsiornermut Nukissiuteqarnermullu Naalakkersuisumit saqqummiunneqartoq)*

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip pingajussaaneernejarneranut**

**ILASSUTITUT ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Henrik Fleischer, Siumut, Siulittaasoq

Inatsisartunut ilaasortaq Múte Bourup Egede, Inuit Ataqatigiit, Siulittaasup tullia

Inatsisartunut ilaasortaq Aqqalu Jeremiassen, Atassut

Inatsisartunut ilaasortaq Hermann Berthelsen, Siumut

Inatsisartunut ilaasortaq Randi Vestergaard Evaldsen, Demokraatit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Tillie Martinussen, Suleqatigiissitsisut

Ulloq 29. maj 2019-imi aappassaaneerinninnerup kingorna ataatsimiititaliap siunnersuut misissoqqippaa.

**Ataatsimiititaliap siunnersuummik suliarinninnera**

Inuussutissarsiornermut Aatsitassanullu Ataatsimiititaliap siunnersuutip aappassaaneernejarneranik isumaliutissiissummini, ilaatigut kommunit toqqaasinnaaneranik erseqqissaateqarnissaq siunertaralugu Naalakkersuisut allannguutissatut siunnersuummik saqqummiusseqqullugit qinnuigai. Naalakkersuisut ataatsimiititaliamit qinnuteqaammik naapertuiniarlutik aappassaaneerinninnermut allannguutissatut siunnersuummik saqqummiussipput. Taassumali kalaallisut danskisullu oqaarsertalernejarnerata akornanni naapertuutinnigittoqartoq paasineqarpoq, taamaalillunilu ulloq 16. maj aappassaaneerinninneq

unitsinneqarallarpoq naapertuutinngitsumillu iluarsiviginninnissaq siunertaralugu 29. maajimut kinguartinneqarluni.

Allannguutissatut siunnersuut aappassaaneerinninnerup nanginneqarnerani Naalackersuisunit saqqummiunneqartoq ataatsimiititaliap qinnutai naapertorlugit iluarsissuteqarfiusimasoq ataatsimiititaliap paasivaa.

Tamanna tunngavigalugu ataatsimiititaliaq siunnersuut pillugu allanik oqaaseqaatissaqanngilaq.

### **Ataatsimiititaliap inassuteqaatai**

Ataatsimiititaliap **isumaqatigiittup** siunnersuutip **aappassaaneerinninnermi allannortinneqarsimasup akuersissutigineqarnissaa** inassutigaa.

Ataatsimiitaliap taama oqaaseqaateqarluni isumaliutissiisummilu allassimaneratut paasinnilluni siunnersuut pingajussaaniigassanngortippaa.

---

Henrik Fleischer  
Siulittaasoq

---

Múte Bourup Egede  
Siulittaasup tullia

---

Aqqalu Jerimiassen

---

Hermann Berthelsen

---

Randi Vestergaard Evaldsen

---

Peter Olsen

---

Tillie Martinussen